

Belägerung vnd eroberung der Statt vnd Schantz Sutphen.

Welche geschehen im Maij.

Anno 1591.

Sutphen ist eine der vier Hauptketten im
Bellerland / vnd doch darneben ein Graff-
schafft für sich selbst / ligt an der Zffel / vnge-
fehrlich anderthalb meyl von Dinsburg / 4.
meyl von Arnheim / vnd 6. von Newmegen. Ehe wir
aber zur Belägerung dieser Statt schreiten / wölle
wir zuvor anzeigen welcher gestalt etliche Häuser ein-
genommen / auch viel Schiff vnd andere zu solchem
fürhaben nothwendige bereit schafft / von den Stadē
vnd Graff Moriken außgerüstet vnd zusammen ge-
bracht worden.

Den 2. April haben die Garnisonen von Breda
vnd andere / das Haus oder Casteel Turnhout einge-
nommen / durch den Bierbrauer / der gewohnt war
Bier zu lieffern: dann vnderweilen sein wagen auff
der Brücken stunde / stieß er die Schiltwacht vō der
brücken / durchstache ein andern / vnd so kam das
Kriegsvolck angelauffen / das darben in einem ver-
brandten Haus verborgen lag / vnd namen das
Schloß ein.

Deßgleichen im anfang des Meyens haben sie
sich auch des Schloß Westerloh versichert / dann
(wiewol es vnder der Contribution stunde) als der
Junge Herz von Merode / der sich darauff verhielt /
auff der Jagt war / namen sie es leichtlich ein: fun-
dens bequem vmb Brabant forters zur Contribu-
tion zu bringen / vnd ihrem feind daselbst also zuschaf-

2 3 fen